



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal nga Isyu
Nobyembre 9, 2009
www.philippinerevolution.net

Sosyalismo ang kinahanglanon sa krisis sang kapitalismo

Pahayag sa ika-20 anibersaryo sang pagkapukan sang Berlin Wall

Ni Prof. Jose Maria Sison
Tagapangulo,
International Coordinating Committee
International League of Peoples' Struggle


Halin sang mapukan ang Berlin Wall sadtong Nobyembre 19, 1989 labi pa nga nagdalom ang krisis sang pangkalibutanon nga sistemang kapitalista. Ginabatas sini subong ang pinakamalubhang krisis halin sadtong Daku nga Depresyon (Great Depression) sadtong dekada 1930. Ang krisis subong ginatawag nga "Mas Daku nga Depresyon" sang pila ka komentarista sa halambalanon sang mga epekto sini sa trabaho kag pangabuhian sang mga mamumugon kag pumuluho sang kalibutan.

Pagkatapos magtuhaw bilang solo nga superpower sa kalibutan makaligad nga mapukan ang anay Soviet Union, ang US mismo ang ginabayo sang malubhang krisis kag ginadalahig sini ang kalibutan sa labi pa nga pag-usmod. Ginapabugal sang mga imperyalista kag mga propagandista nila kon paano gintorse sang burukrasya sang estado ang balor kag pagtuga sang balor sang ekonomya sang mga sosyalistang estado kag mga moderno nga rebisyunistang rehimen.

Sa lain-lain nga lebel tanan nga mga pungsod sa kalibutan subong ginatay-og sang krisis nga gintuga sang wala sang kutod nga kadalukon sang pribadong negosyo sa idalom sang islogan nga "globalisasyon sang hilway nga baligyaanay" nga ginakinaiyahan sang makahalawhaw nga akumulasyon sang tuman kadaku nga manggad sang oligarkiya sa pinansya kag mga monopolyong kapitalista paagi sa wala untat nga sobrang paghimulos sa mga mamumugon, manipulasyon sa pinansya kag pagsalimuho sa pagtuga sang bungang-isip nga kapital.

Halin sang mapukan ang Berlin Wall, nagtibusok ang sosyal nga kahimtangan sang mga mamumugon kag pumuluho sang Eastern Europe kag anay Soviet Union sa idalom sang wala untat nga kapitalistang paghimulos, pagpamigos kag kalakasan. Nagalala ang lebel sang kaimulon bangud sa malaparan nga disempleyo kag manubo nga kita. Ginpagamay sang implasyon ang balor sang sweldo, pensyon kag sinuptan nga kwarta.

Signipikanteng naggamay ang pamuhunan sang estado sa produksyon kag pagtuga sang trabaho. Nagbuhin ang badyet sang gubyrno para sa edukasyon kag iban pang serbisyo sosyal. Nabudlayan makakita sang trabaho ang mga edukado kag nagalapnag ang iliterasiya. Ginabalbal ang ikaayong lawas sang obreros kag pumuluho, nga nagdulot sang malnutrisyon, nagapakuribod sa pamatan-on kag nagapalip-ot sa kinaan-



dan nga kadugayon sang kabuhi sang pumuluyo.

Nagdaku ang numero sang mga bata nga nagaistar sa kalye kag ginapabay-an nga magtindog sa kaugalingon sa tuman kalamig nga mga pungsod nga ini. Signipikante ang porsyento sang gindaku didto sang mga nagahikog. Ang kahimtangan sang mga batang-kalye kag sang bilog nga katiling-ban ginapalala pa sang krisis subong sa pinansya kag ekonomya.

Makita sa lain-lain nga paagi ang kaakig kag disgusto sang mga mamumugon kag pumuluyo sang Eastern Europe kag anay Soviet Union. Nangin popular kag nagabaskog sa mga nasyunal nga eleksyon ang mga partido sang Wala. Nagahambal ang mga mamumugon kag pumuluyo batuk sa madasig nga pagsanyog sang pagpanghimulos, pagpamigos kag kalakasan sang daku nga burgesya.

Ginapakita sang sunud-sunod nga mga sarbey nga sa pamatyagan sang pumuluyo labi sila nga nalubong sa kaimulon kag labi sila nga nadisgusto kag naakig sa kapitalismo kag mga wala sini natuman nga pangako. Sa pagbunal sang krisis subong sa ekonomya kag pinansya, may nagalapnag nga interes kag pagtuon sa mga sinulatan nga Marxista kag progresibo. Ginasabat ini sang mga imperyalista kag mga lokal nga nagaharing sahi paagi sa paglikaw sa igtalupangod sang mga mamumugon kag pumuluyo halin sa makasahi nga paghimakas kag anti-imperyalistang paghiliusa paagi sa pagpalapnag sang indi paghangpanay kag kaakig base sa sobinismo, rasismo, etnosentrismo kag dogmatismo sa relihiyon.

Wala na ang Comecon. Pero tanan nga pungsod nga gingamhan sang mga rebisyunista hugot nga nahugakom subong sang pangkalibutanon nga sistemang kapitalista nga kontrolado sang US kag nalubong sa gumon sang pinakagrabe nga krisis pang-ekonomya halin sadtong Daku nga Depresyon. Ang krisis nagadulot sang pasismo kag mga gerang agresyon.

Labi pa nga nagakitid kag nagasingki ang lugar para sa kumpetisyon sang mga imperyalista subong sa pag-entra sang Russia kag China bilang daku kag gamhanan nga mga myembro.

Wala na ang Warsaw Pact. Pero ginpalapad ang NATO agud malakip ang mga pungsod nga gingamhan sadto sang mga rebisyunista sa Eastern Europe, tuhtub sa dulan sang Russia. Kadam-an sa mga pungsod nga gingamhan sadto sang mga rebisyunista ang potensyal nga pagatuhawan sang pasitang pagpamigos kag mga agresibong gera pareho sang ginpakita sang makahas nga pagkabungkag sang Yugoslavia sa serye sang mga gera nga ginsulsol sang mga imperyalista kag mga gerang ginadalahigan sang Chechnya kag Georgia. Nagadeploy ang NATO sang mga mersenaryong pwersa halin sa mga pungsod nga ginaharian sadto sang mga rebisyunista pakadto sa malayo nga pungsod pareho sang Iraq kag Afghanistan.


Ang krisis sang monopolyong kapitalismo nga nagtuga sang nagalubha nga pag-antos sa mga mamumugon kag pumuluyo sang kalibutan. Ginapakanubo sang mga multilateral nga ahensya nga kontrolado sang mga imperyalista ang ginbalita nga pangkalibutanon nga gutom nga isa ka bilyon katawo la-

mang ang ginagutom sa sobra anom ka bilyon nga polulasyon. Ginasiling nila nga ini ang pinakadaku nga numero sang mga ginagutom sa kasaysayan kag amo man nga numero ang nagaantos sang malnutrisyon.

Magalala pa ang sitwasyon nga ini bangud ginatantya nga nagagamay pa ang pangkalibutanon nga produksyon pang-ekonomya subong nga tuig, ang labing una nga kahigayunan makaligad ang Ikaduha nga Gera Pangkalibutanon. Ang pagkitid sang empleyo ginatantya nga magadugay pa sang walo ka tuig. Madugangan sang ginatos ka milyon ang mga tawo nga nabuhi sa kulang \$2 kada adlaw. Minilyon nga mamumugon kag mangunguma sa mga neokolonyal nga ekonomya ang grabe nga ginaigo sang nagagamay nga kinahanglanon para sa produktong pangkonsumo, malamanupaktura kag hilaw nga mater-yales.

Ang mga mamumugon kag pumuluyo sang kalibutan ang nagalunsar sang lain-lain nga ligal kag ilegal nga porma sang organisadong aksyon para pamatukan ang mga kontra-pumuluyo nga polisiya sang imperyalismo. Ang mga internasyunal nga pagtililipon sang mga monopolyong kapitalista, sang oligarkiya sa pinansya kag mga lider sang imperyalistang estado ang nangin kahigayunan para sa malaparan nga protesta sang akig na nga mga mamumugon kag pumuluyo sa ginahiwatan sang pulong kag sa lain-lain nga pungsod. Ginabuyagyag kag ginakundenar sang mga pungsod nga nagaduso sang pungsodnon nga kahilwayan ang mga dikta kag polisiya nga ginamandu sang mga imperyalista.

Nagapadayon kag nagabaskog ang mga armadong rebolusyon para sa pungsodnon nga kahilwayan kag demokrasya sa Pilipinas, Columbia, India, Peru kag Turkey. Nagalunsar sang armadong pagbato



ang pumuluyo sang Iraq kag Afghanistan batuk sa pagpanakop kag pagpangsakop sang US sa ila pungsod. Magabaskog kag magasulong ang mga armadong porma sang paghimakas bunga sang paglubha sang krisis sang monopolyong kapitalismo.

Halin sang mapukan ang Berlin Wall, nagbatas sang nagapalala nga kahimtangan pang-ekonomya kag pangkatilingban ang mga mamumugon kag pumuluyo sang Eastern Europe, anay Soviet Union kag bilog nga kalibutan. Ginalantaw nila ang monopolyong kapitalismo bilang isa ka malain kag bangkaroteng sistema nga nagahalit sa mga produktibong pwersa sang kalibutan kag grabe nga pagpabudlay sa pumuluyo.

Ginagatungan sang monopolyong kapitalismo ang handum sang pumuluyo sa sosyalismo. Kutob nga nagaluntad ang imperyalistang pagpamigos kag pagpanghimulos, magabato ang pumuluyo para sa pungsodnon kag kahilwayan sosyal. Lubos nga kabutigan ang ginasingling nga punta na sang kasaysayan ang monopolyong kapitalismo. Ang lubos nga pagkabangkrap sang monopolyong kapitalismo kag ang paglabot sini sa mas sapatnon nga dagway sang pagpandambong kag agresyon ang nagatulod sa pumuluyo nga magbato para sa ila mga kinamatarung kag para sa masanag nga sosyalistang buasdamlag.

Ginaganyat ang mga mamumugon kag pumuluyo sang kalibutan nga magpursiger sa paghimakas para sa tunay nga sosyalismo batuk sa monopolyong kapitalismo nga ginaputos subong sang pinakamalubha nga krisis halin sadtong Daku nga Depresyon sang dekada 1930. Nangin kinahanglanon para sa katawhan ang sosyalismo dulot sang krisis sang pangkalibutanon nga sistemang kapitalista.

Baliskad sa ginawakal sang mga

imperyalista kag mga propagandista nila nga napukan na ang sosyalismo sadtong 1989, ang pagkapukan sang Berlin Wall nagakahulugan sang pagpukan sang mga moderno nga rebisyunistang rehimen sa anay Soviet Union kag Eastern Europe kag lubos nga pagpanumbalik sang kapitalismo. Ini ang nangin bunga sang rebisyunistang pagluib sa sosyalismo nga ginsuguran ni Khrushchov sadtong 1956 kag gintapos ni Gorbachov sadtong 1989-91.


Ang kasaysayan sang mga sosyalistang pungsod halin sang magmadinalag-on ang mga Bolshevik sa Russia sadtong 1917 asta 1956, kag halin sang tukuron ang People's Republic of China asta 1976 ang nagpakita sang daku nga lumpat sa pag-abanse sang kahimtangan pangkatilingban, pang-ekonomya, pangpulitika, pangkultura kag pangdepensa sang mga mamumugon kag pumuluyo sa nasam-bit nga mga pungsod. Nalampasan ang kabudlayan, gutom, wala sang trabaho kag ang kapintas sang pagpanghimulos kag pagpamigos nga nagaluntad antes magdaog ang sosyalistang rebolusyon. Naangkon ang daku nga kadalagan sa sosyalistang konstruksyon kag rebolusyon sa pihak sang mga gerang agresyon, blokeyo pang-ekonomya kag pangmilitar kag subersyon sang mga imperyalista.

Ginbaliskad ang tanan nga daku nga kadalagan sang sosyalismo sang pagpangibabaw sang modernong rebisyunismo sa mga sosya-

listang pungsod kag iban pang lugar. Amat-amat nga ginguba ang mga pagsulong sa kahimtangan sang mga mamumugon kag pumuluyo kag ginpabalik ang mga porma sang paghimulos, pagpang-ulipon, kalakasan nga nagluntad sadto antes magrebolusyon. Lakip ang mga sindikatong kriminal nga ginabansagan nga hilway nga baligyaanay, ang moderno nga rebisyunistang daku nga burgesya ang nagpamanggad sa burukratikong kagarukan kag nagkabuhi sang manggaranon, samtang ang mga mamumugon kag pumuluyo nagaantos sang nagapagamay nga pagkaon, trabaho, tinipon nga kwarta kag serbisyo sosyal.

Sang maakig kag mag-umpisa nga magduso sang reporma ang mga mamumugon kag pumuluyo, nagpanaog sang mabaskog nga pangpulitika nga pagpamigos ang mga nagahari nga rebisyunistang gubyrno. Partikular sa Eastern Europe kag East Germany, ini ang kahimtangan nga nagdabuk sa mga malaparan nga protesta nga naglabot sa pagpukan sang Berlin Wall sadtong 1989. Malinong nga nagbiya sa gahum ang mga rebisyunistang rehimen sa Europe kag anay Soviet Union kag ginhatagan nila sang dalan ang pagligalisa sang kinawatan nila nga manggad, ang hayag nga pagpanumbalik sang kapitalismo kag ang baraghal nga pribatisasyon sang mga propyedad sang estado.

Kutob sang maghari si Nikita Khrushchov sa Soviet Union, modernong rebisyunista na ang pagkabig sang mga tunay nga proletaryong rebolusyonaryo sa mga nagaharing rehimen sa Soviet Union kag sumu-



lunod sini nga estado sa Eastern Europe, nga sosyalista sa hambal pero kapitalista sa buhat. Natantya na nila nga indi magdugay hayagan nga mabuyagyag ang kapitalismo sa pungsod nga ini.

Ang ila pagtantya ginpamatud-an sang pagpukan sang Berlin Wall. Halin sadto naghayag na bilang mga paltik nga komunista ang mga modernong rebisyunista sa nasambit nga mga pungsod. Modernong rebisyunismo, indi sosyalismo, ang napukan kadungan sang Berlin Wall kag nagbutang sa mga mamumugon kag pumuluyo sang anay Soviet Union kag Eastern Europe sa mas mapandambong kag mas makahas pa nga paghari sang hayagan nga kapitalismo. Ang sosyalismo ang nauna na nga gin-uk-ok, ginguba, ginwasak sang mga rebisyunista.

Halin 1989 asta subong, wala untat nga ginaliwatliwat sang imperyalismo kag mga bayarang propagandista nila sa mga masmidya kag akademya ang linya nila bahin sa pagpukan sang Berlin Wall. Ginapagwa nila nga sosyalista ang mga rebisyunistang rehimen kag ginpabugal nila nga ang pagpukan sang mga rehimen nga ini nagakahulugan sang kapaslawan sang sosyalismo kag punta sang kasaysayan sa kapitalismo kag demokrasyang liberal.

Ginpabugal nila bilang umpisa sang kauswagan kag demokrasya ang paglampas halin sa monopolyong kapitalismo sang estado nga ginaharian sang mga rebisyunista pakadto sa mas malaut nga hayagan nga kapitalismo. Pero wala sang kapares ang mga imperyalista nga gahum sa pagpanamad sa monopolyong kapitalismo paagi sa ila wala sang renda nga pagpandambong kag mga gerang agresyon kag pabalik-balik kag nagapalala nga krisis.

Ang mga mamumugon kag pumuluyo sang kalibutan ang ginapaidalom sa nagapalala nga paghimulos, pagpamigos kag kalakasan kag ginatulod para magbato, maghimakas para sa pungsodnon kag kahilwayan

sosyal kag maghandum sang sosyalismo. Ang krisis subong nga tuga sang polisiya nga neoliberal nga “globalisasyon” nga ginakumpas sang US sa nagligad nga tatlo ka dekada, ang nagabuyok sa pumuluyo nga maghimakas para sa sosyalismo.

Padayon nga nagakalumos sa krisis ang pangkalibutanon nga sistemang kapitalista. Ginahalitan sini ang mga trabaho kag pangabuhian sang mga mamumugon kag pumuluyo sang kalibutan. Ang todo-todo nga paggasto sa pondo pangpubliko para luwason ang dalagku nga bangko kag korporasyon sa industriyang militar ang nagatuga sang mas dalagku pa nga bukal. Pat-ud nga magalupok ang mga ini kag magatuga sang mas mataas pa nga paglala sang krisis.

Ang US kag mga imperyalistang alyado sini ang nagtuga sa pangkalibutanon nga krisis sa pinansya kag ekonomya, naglubong sa kalibutan sa pang-ekonomya nga depresyon kag nagpalala kag nagpadalom sa mga kundisyon para sa terorismo sang estado kag mga gerang agresyon.

Ang kumbinasyon sang monopolyong kapitalismo sang estado kag sang monopolyong kapitalismo sa mga imperyalismong pungsod ang puno kag punta sang wala kaparis nga lapad sang kahalitan sang mga produktibong pwersa paagi sa pagpandambong nga mga porma sang pribado nga paghugakom sang ganansya kag pribado nga akumulasyon, lakip ang wala untat nga pagtuga sang bungang-isip nga kapital.

Ara kita sa panahon sang modernong imperyalismo kag proletaryong rebolusyon. Ginapanan-aw ang paglubha pa sang krisis sa ekonomya, sosyal nga kinagamu, terorismo sang estado kag mga imperyalista nga gerang agresyon. Ini mga obhetibong kahimtangan para sa pagsulong sang mga rebolusyonaryong kahublagan para sa pungsodnon kag kahilwayan sosyal sa pagpamuno sang sahi nga mamumugon.

AB



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal na Isyu
Nobyembre 9, 2009
www.philippinerevolution.net

Sosyalismo ang kinahanglanon sa krisis sang kapitalismo

Pahayag sa ika-20 anibersaryo sang pagkapukan sang Berlin Wall

Ni Prof. Jose Maria Sison
Tagapangulo,
International Coordinating Committee
International League of Peoples' Struggle


Halin sang mapukan ang Berlin Wall sadtong Nobyembre 19, 1989 labi pa nga nagdalom ang krisis sang pangkalibutanon nga sistemang kapitalista. Ginabatas sini subong ang pinakamalubhang krisis halin sadtong Daku nga Depresyon (Great Depression) sadtong dekada 1930. Ang krisis subong ginatawag nga "Mas Daku nga Depresyon" sang pila ka komentarista sa halambalanon sang mga epekto sini sa trabaho kag pangabuhian sang mga mamumugon kag pumuluho sang kalibutan.

Pagkatapos magtuhaw bilang solo nga superpower sa kalibutan makaligad nga mapukan ang anay Soviet Union, ang US mismo ang ginabayo sang malubhang krisis kag ginadalahig sini ang kalibutan sa labi pa nga pag-usmod. Ginapabugal sang mga imperyalista kag mga propagandista nila kon paano gintorse sang burukrasya sang estado ang balor kag pagtuga sang balor sang ekonomya sang mga sosyalistang estado kag mga moderno nga rebisyunistang rehimen.

Sa lain-lain nga lebel tanan nga mga pungsod sa kalibutan subong ginatay-og sang krisis nga gintuga sang wala sang kutod nga kadalukon sang pribadong negosyo sa idalom sang islogan nga "globalisasyon sang hilway nga baligyaanay" nga ginakinaiyahan sang makahalawhaw nga akumulasyon sang tuman kadaku nga manggad sang oligarkiya sa pinansya kag mga monopolyong kapitalista paagi sa wala untat nga sobrang paghimulos sa mga mamumugon, manipulasyon sa pinansya kag pagsalimuho sa pagtuga sang bungang-isip nga kapital.

Halin sang mapukan ang Berlin Wall, nagtibusok ang sosyal nga kahimtangan sang mga mamumugon kag pumuluho sang Eastern Europe kag anay Soviet Union sa idalom sang wala untat nga kapitalistang paghimulos, pagpamigos kag kalakasan. Nagalala ang lebel sang kaimulon bangud sa malaparan nga disempleyo kag manubo nga kita. Ginpagamay sang implasyon ang balor sang sweldo, pensyon kag sinuptan nga kwarta.

Signipikanteng naggamay ang pamuhunan sang estado sa produksyon kag pagtuga sang trabaho. Nagbuhin ang badyet sang gubyrno para sa edukasyon kag iban pang serbisyo sosyal. Nabudlayan makakita sang trabaho ang mga edukado kag nagalapnag ang iliterasiya. Ginabalbal ang ikaayong lawas sang obreros kag pumuluho, nga nagdulot sang malnutrisyon, nagapakuribod sa pamatan-on kag nagapalip-ot sa kinaan-



Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com